

Escrito por
Martes, 23 Agosto 2011 20:26



O silencio que a psicóloga Rachel Ceasar atopou sobre a situación das vítimas da guerra civil e a represión franquista na súa primeira visita a España en 2004 levouna a elixir os actuais traballos de exhumacións nas fosas, como tema para o seu doutoramento en antropoloxía forense que cursa na Universidade de Berkeley, California. Nunha curta charla mantida na sede do IEM, Rachel informounos que dentro dese marco de estudo, elixiu centrar as súas pescudas en Galicia, onde atopou unha particular confluencia do interese científico coas necesidades de identidade e xustiza dunha parte da sociedade.

"A exhumación é unha forma tacto - física para sacar a luz a historia e a identidade de España", sinala esta moza, licenciada en psicoloxía pola UCLA en Os Anxos (Estados Unidos). A investigadora entende que estes esforzos permiten contar unha historia "aínda que os manuais de estudo non falen do que realmente pasou en España".

Este doutoramento estase a desenvolver dende 2009 e terá á investigadora ata o próximo verán 2012 na tarefas de campo. Con apoio loxístico de expertos de toda Galicia, Rachel tamén contará co asesoramento e apoio do equipo de investigadores na área de Memoria Histórica do IEM, a que conta con arqueólogos, historiadores e expertos que levan traballado en varias intervencións en distintos puntos de Galicia.